

漢書疏證

漢書疏證卷三

吳 沈欽韓撰

異姓諸侯王表

閭閻

釋名檐接也接屋前後也與應劭說同閭檐聲義同未  
可據說文偏辭也

諸侯王表

有逃責之臺

說文周景王作洛陽諺臺御覽

一百七十七

帝王世紀曰周

人名其臺曰逃債臺洛陽南宮移模是也按釋宮連謂

之移郭云堂樓閣邊小屋今呼之移厨連觀作雜解注  
承屋曰移移乃移之省文也

被竊鉄之言

列子說符人有亾鉄者意其鄰之子動作態度無爲而  
不竊鉄也鵬冠子王鉄篇王鉄者非一世之器也按此  
言王者大柄爲人所竊

作左官律

師古云漢依上古法朝廷之制以右爲尊王鳴盛曰周  
昌爲趙相高帝曰吾極知其左遷漢人尙右則誠然矣  
若謂自古皆然則師古之妄也男左女右法乎天地顯

然當尙左所以有尙右者其說有二吉事尙左凶事尙右吳仁傑據檀弓孔子有姊之喪故拱而尙右又兵車則尙右乘車仍尙左漢初人習於兵革故相沿尙右其說確矣又一說古宮室之制前堂後室室中以東向爲尊戶在其東南牖在其西南堂以南面爲尊王位在戶外之西牖外之東所謂戶牖之間南嚮坐也人君在堂上自然東爲尊西爲卑及入戶至室中在東者近戶出入處其勢又以坐西而東向者爲尊矣而分侍兩旁者則北爲上南爲下如漢宮室之制未大變古故周勃田蚡皆自坐東鄉蓋寬饒東向特坐項羽紀沛公見項王

鴻門項王東嚮坐亞父南嚮坐沛公北嚮坐張良西嚮  
侍其坐次尊卑歷然此雖在軍中亦放室中之制耳師  
古顧謂古制朝廷一概尙右豈不謬哉

帷牆之中

帷在旁四垂者言不見外物也王莽令孺子嬰居四壁  
中

中山靖王孫穰王

按周書謚法解好樂怠政曰荒不作穰又云凶年無穀  
曰穰穰虛也荒康音義亦通穀梁襄二十四年傳四穀不升  
謂之康釋文引郭氏音義康本或作荒邢昺疏引穀梁

亦作荒

夷王雲容紹封廣德

方輿紀要徽州府黟縣漢鴻嘉二年立中山憲王孫雲容爲廣德王國於此

泗水

地理志元鼎四年別爲泗水國而表作一年史記諸侯年表元鼎三年初置泗水都郊四年思王商元年則國以三年置而就封在四年也此二年誤

泗水勤王綜

昭帝紀景十三王傳皆作遺腹子媛

王子侯表上

羹頡侯信

當爲頡羹一統志頡羹城在廬州府舒城縣西北三十里相傳漢高帝封兒子信於此墓在縣西北三十五里方輿紀要七門堰在舒城縣西南七門山下與三堰共溉田二萬餘頃俱漢初頡羹侯所築

合陽侯喜

寰宇記合陽城在冀州東界高帝以代王喜奔國降爲合陽侯或以爲同州之郃陽

上邳侯郢容

一統志上邳城在兗州府滕縣南卽古邳邑奚仲遷於邳者也齊乘仲虺城俗曰斗城

朱虛侯章

方輿紀要朱虛城在青州府臨朐縣東六十里東牟侯興居一統志東牟故城在登州府文登縣西北

管侯罷軍

管當爲管方輿紀要管城在濟南府章邱縣西北三十里齊悼惠子罷軍侯邑

管侯信都

一統志管城在青州府臨淄縣北齊悼惠王子信都侯



國

楊王侯安

方輿紀要楊王城在濟南府章邱縣東南十里齊悼惠

王子安侯邑

楊虛侯將閭

一統志楊虛城在濟南府禹城縣西南

杻侯辟光

一統志杻縣故城今武定府商河縣治

安都侯志

方輿紀要安都城在保定府高陽縣西南三十八里齊

悼惠王子志侯邑一統志云安陵故城在河間府吳橋縣西北漢置安縣爲侯國齊悼惠王子志爲安都侯卽此其說迂遠蓋誤以都爲諡也

平昌侯印

方輿紀要平昌城在德州德平縣東北一里又平昌城在青州府安丘縣西南六十里漢屬琅邪郡齊悼惠王子印侯邑

武成侯賢

方輿紀要廢武城在濟甯州嘉祥縣南五十里齊悼惠王子賢爲武城侯或以爲卽此

白石侯雄渠

史記正義白石古城在德州安德縣北二十里今在陵縣

阜陵侯安

方輿紀要阜陵城在滁州全椒縣東南十五里

安陽侯勃

一統志安陽故城在汝甯府正陽縣西南淮南厲王子

勃侯國

陽周侯賜

史記作周陽

東城侯良

方輿紀要東城在鳳陽府定遠縣東南五十里

平陸侯禮

水經注康溝水東逕平陸縣故城北卽元王子國一統志平陸城在開封府尉氏縣東北三十五里

沈猷侯歲予受坐爲宗正聽請不具宗室

唐職制律諸有所請求者皆五十主司許者與同罪已施者各杖一百

宛朐侯執

一統志宛句故城在曹州府荷澤縣西南

方輿紀要西南四十里

棘樂侯調

乘氏侯買

方輿紀要乘氏城在曹州曹縣東北五十里

茲侯明

安城侯蒼

一統志安城故城在吉安府安福縣西漢置縣屬長沙

宜春侯成

一統志宜春故城今袁州府宜春縣治長沙定王子成

國

句容侯黨

今江甯府屬縣

容陵侯福

屬長沙郡

廣戚侯將

一統志廣戚故城在徐州府沛縣東方輿紀要縣東北四十里

丹楊侯敢

方輿紀要丹陽城在江甯府西南五十里又西南至太平府八十五里俗謂小丹陽對丹陽郡而言也

盱台侯蒙之

方輿紀要盱眙縣在泗州南七里

胡孰侯胥行

一統志胡孰故城在江甯府上元縣東南

元和志東南七十里

秣陵侯纒

元和志秣陵故城在潤州江甯縣東南四里寰宇記在縣南五十五里秣陵橋東北按秦漢之秣陵寰宇記所指是也

淮陵侯定國

方輿紀要淮陵城在泗州盱眙縣西北九十五里

劇原侯錯

一統志劇縣故城在青州府壽光縣東南

平望侯賞

方輿紀要平望城在青州府壽光縣西北三十里淄川懿王子賞侯邑

臨泉侯始昌

史表作臨原寰宇記臨原故城在青州臨朐縣東一統志云泉卽原之譌

葛魁侯戚坐縛家吏恐獨受賕

唐盜賊律諸恐喝取人財物者準盜論加一等

計贓準盜論加

一等一尺杖七十至三十五疋流三千里按準此恐獨盜論者準竊盜一尺杖六十四疋流三千里



受賕賕卽是恐獨所取非別有枉法賕也師古謬解

益都侯胡

于欽齊策王胡城在青州壽光縣北二十里卽漢益都侯國以封王子胡而名

平的侯強

屬北海

劇魁侯黑

一統志劇魁故城在青州府昌樂縣西北

平度侯行

方輿紀要平度故城在平度州西北六十里菑川懿王

子行侯邑

臨朐侯奴

方輿紀要萊州府掖縣北二十里有臨朐故城此漢東萊之臨朐也

雷侯豨

雷字誤方輿紀要漢慮縣屬城陽國在莒州西南城陽其王弟豨封於此按地理志作慮史表作盧水經注亦作盧恐是慮之誤

東莞侯吉

方輿紀要東莞城在沂州沂水縣治西北一統志今沂

水縣治

辟土侯壯

一統志辟土城在沂州府莒州東南水經注葛陂水流  
逕辟土城南世謂之辟陽城

尉文侯丙

表云南郡疑非也廉頗傳趙以尉文封廉頗爲信平君  
尉文自在趙地方與紀嬰廉臺在真定府無極縣西十  
三里相傳以廉頗名或其封處歟張守節云尉文蓋蔚  
州地其說無稽

封斯侯胡傷

元和志趙州平棘縣有封斯村

現行本末見此據一統志

一統志封

斯廢縣在趙州界

榆正侯受福

一統志榆城在太原府交城縣西北一百三十里其地多榆因名

邯鄲侯仁

史記正義括地志伯陽城一名邯鄲城在相州鄴縣西五十五里一統志在彰德府安陽西北

朝侯固城坐酎金少四兩

丁孚漢儀列侯各以民口數率千口奉金四兩奇此少

四兩則推口數滿二千者八兩以此遞增也方輿紀要  
故朝城在濮州朝城縣南十七里舊唐志昌樂縣有故  
朝城唐改置縣於此

廣望侯忠

方輿紀要廣望城在保定府西南中山靖王子忠侯邑  
將梁侯朝平

一統志清涼城在保定府情苑縣西南接博野縣界亦  
曰將梁中山靖王子朝平侯國水經注岵溝北逕清涼  
城卽將梁也

陸城侯貞

方輿紀要陸城廢縣在保定府博野縣南十六里水經注博陵故城卽古陸城漢封劉貞爲侯國

新處侯嘉

一統志新處故城在定州東北

蒲領侯嘉

一統志蒲領故城在河間府阜城縣東北寰宇記縣北

三里

棗強侯晏

方輿紀要棗強舊城在冀州棗強縣東三十里漢治此旁光侯殷坐貸子錢不占租

景紀注服虔曰貲萬錢算百二十七昭帝紀始元六年  
令民得以律占租貢禹所謂租銖之律也按周禮小司  
徒以下攷夫家眾寡六畜兵器管子問貧士之受責於  
大夫者幾何人人之貸粟米有別券者幾何家此其貧  
富生業皆官司所知平帝紀民貲不滿二萬勿租稅漢  
去古未遠故私家具立文簿

取息過律

周官泉府注貸萬錢者其出息五百按取息無過二分  
也

阿武戴侯豫

寰宇記阿武故城在深州樂壽縣西北三十九里名勝志在河間府獻縣西北三十九里

參戶節侯免

一統志參戶故城在天津府青縣南

州鄉節侯禁

名勝志州鄉在河間府河間縣東北四十里

平城侯禮

平城當爲成平寰宇記成平故城在今瀛州景城縣南

二十里

名勝志景城在河間府獻縣東九十里

方輿紀要河間獻王子禮

侯邑一統志依作平城云在萊州府昌邑縣南按河間



分封當在成平云萊州非也

坐恐獨取雞以令買償復謾

景帝紀吏飲食計償費勿論此謂取飲食物準令當買  
償復欺謾未償故論城且也以宗室故不髡鉗唐職制  
律諸監臨之官受豬羊供饋坐贓論强者依強取監臨  
財物法

廣侯順

表云勃海按勃海無廣縣方輿紀要廣縣城在青州府  
西南四里

陰安康侯不害

一統志陰安故城在大名府清豐縣北二十里

安陽侯樂

一統志安陽城在曹州府曹縣東

平侯遂坐知人盜官母馬爲臧

河南郡有平縣通典小平縣城在河南府鞏縣西北有  
津曰小平津唐盜賊律諸盜官私馬牛而殺者徒二年  
半又捕亡律知情藏匿罪人者各減罪人罪一等按漢  
法若以重論則盜官母馬爲乏軍興當斬也爲藏者減  
一等故逢赦猶復一歲刑

羽侯成

平原郡羽縣侯國

離石侯綰

一統志離石故城今汾州府永甯州治

後更爲涉侯

紀要涉縣在彰德府西二百里今兩漢志俱作沙縣以此及三國志袁紹傳證之知漢本爲涉志文誤

坐上書謾

唐詐僞律諸奏事上書詐不以實者徒二年

邵侯順

邵疑鄔之誤方輿紀要鄔城在汾州府介休縣東北二

十七里

坐殺人及奴凡十六人以捕匈奴千騎免

順殺良賤十六人本當重論以捕得匈奴千騎故弟免  
侯也武帝時有重罪者得自募擊匈奴師古謂私殺人  
以當匈奴騎此殺人而兼欺詐至不道甯僅免侯乎

藺侯罷軍

一統志藺縣故城在汾州府永甯州西

臨河侯賢

紀要臨河城在汾州府石樓縣東六十里唐初置疑卽  
故縣處

濕城侯忠

史表作隰與地理志同一統志隰成廢縣在汾州府永

甯州西

後更爲端氏侯

紀要端氏城在澤州沁水縣東北九十里

土軍侯郢容

一統志土軍故城卽今汾州府石樓縣治

皋琅侯遷

一統志皋琅故城在汾州府永甯州西北

千章侯遇

史表徐廣曰千一作斤方輿紀要斥韋城在廣平府威縣西南

博陽侯就

一統志博陽故城在陳州府商水縣東北四十里按索隱引志作汝南表作濟南蓋刊本之訛

甯陽侯恬

一統志甯陽故城在兗州府甯陽縣南

瑕丘侯政

一統志瑕丘故城在兗州府滋陽縣西二十五里

公丘侯順

一統志滕國故城漢爲公丘縣在兗州滕縣西南十四里

郁根侯驕

一統志郎城在兗州府魚臺縣東北八十里春秋時魯

邑古名郁郎亭隱公元年注郎魯邑高平方與縣

唐改方與

爲魯臺東南有郁郎亭

西昌侯敬

陸地侯義

表云辛處按紀要新處城在定州東北

武始侯昌

一統志武始故城在廣平府邯鄲縣西南

爲氏侯賀

一統志象氏廢縣在趙州隆平縣東北二十五里敬肅  
王子賀侯國

易侯平

一統志易縣故城在保定府雄縣西北三十五里表云  
在鄆按紀要鄆城在趙州柏鄉縣北二十二里

攸輿侯則

索隱云今長沙有攸縣本名攸輿按在今長沙府南三  
百六十里



茶陵侯訢

一統志茶陵故城在今茶陵州東五十里名勝志城冢  
記云古茶王城在州東五十里漢元朔中節侯所築  
建成侯拾

索隱云表在豫章今本脫紀要建城廢縣卽今瑞州府  
治

賀元年十月不會免

續志正月朔歲首爲大朝受賀其每朔惟十月旦從故  
事者高祖定秦之月元年歲首也然知漢制惟太初正  
厯以後亦十月賀也唐職制律應集而不至者笞五十

按疏議謂祭祀以下亦兼朝賀也使人與自集同

安眾侯丹

一統志安眾故城在南陽府鎮平縣東南

葉侯喜

表有平字者衍文也一統志葉縣故城在南陽府葉縣

治南

利鄉侯嬰

一統志利縣故城在青州府博興縣東紀要東南四十

里

有利侯釘

一統志利城故城在海州贛榆縣西漢封城陽共王子  
爲有利侯後爲利城縣

東平侯慶

南城侯貞

方輿紀要南武城故城在沂州費縣西南九十里亦謂  
之南城

廣陵侯裘

紀要青州府壽光縣東北三十五里有廣陵鎮

臨樂侯光

欽史表作敦爲是一統志臨樂故城在河間府甯津縣

北寰宇記今滄州臨津縣界卽其地

廣川侯頗

方輿紀要廣川城在冀州棗強縣東北一十八里

千童侯檐

寰宇記滄州饒安縣本漢千童縣後漢改爲饒安方輿

紀要饒安城在滄州東南七十里千童城在滄州鹽山

縣東北

鹽山今屬天津府

被陽侯燕

一統志被陽故城今青州府高苑縣治

定侯越

一統志定縣故城在天津府滄州東南齊孝王子越侯國

稻侯定

一統志稻縣故城在萊州府高密縣西南

柳侯陽已

寰宇記故柳城在滄州鹽山縣東七十里

紀要云五十里

雲侯信

水經注商河經富平故城北水側有雲城漢武帝封劉信爲侯國也紀要雲城在德州西舊志陵縣西水側有雲城

牟平侯渫

方輿紀要牟平城在登州府東南九十里

柴侯代

一統志廢柴縣在泰安府南

柏暢侯終古

方輿紀要柏暢亭在趙州臨城縣西十五里俗譌爲柏楊亭按史表作柏陽竇宇紀引此作柏陵

敵侯延年

史表作鄯者是

乘正侯將夜

一統志乘正故城在兗州府濰縣西北按史表作桑  
正是也索隱曰表在深澤方輿紀要桑正城在保定府  
安肅縣西南

柳宿侯蓋

寰宇記柳宿城在定州望都縣東四十二里紀要云今  
爲六畜堡音譌也在保定府慶都縣東南四十五里

樊輿侯修

一統志樊輿故城在保定府清苑縣東南寰宇記縣東  
南三十五里

曲成侯萬歲

方輿紀要曲成廢縣在萊州府東北六十里表在涿疑  
非是

安郭侯傳富

一統志安郭亭在保定府祁州東南

安險侯應

一統志安喜故城本安險在定州東三十里

夫夷侯義

一統志夫夷故城在寶慶府新甯縣東北

春陵侯買

一統志春陵故城在永州府甯遠縣西北



都梁侯定

一統志都梁故城在寶慶府武岡州東北

洮湯侯狩燕

方輿紀要洮湯廢縣在桂林府全州北三十五里

泉陵節侯賢

一統志泉陵故城在永州府零陵縣北刊本作眾誤

終弋侯廣置

蓋卽弋陽索隱曰表在汝南紀要弋陽城在光州北

衡山賜王子

陳景雲曰疑是衡山王賜之誤但賜坐謀反國除事在

元狩元年若有子爲列侯雖不與逆謀亦應奪爵不應  
在元鼎中始以酎金免則衡山賜三字恐皆有誤按史  
文褫落或者以首告而不坐歟

鉅合侯發

一統志巨里城在濟南府歷城縣東亦曰巨合城城陽  
頃王子發侯國

昌侯差

一統志昌縣故城在青州府諸城縣東南紀要縣東北  
二十里

舊侯方

索隱曰表在琅邪則費爲費之譌也一統志費縣故城在沂州府費縣西北二十里

庠葭侯澤

地理志琅邪郡有雩段侯國此庠葭蓋形同而錯見也

挾侯霸

史表作校索隱曰或以琅邪被縣按作被是也紀要被城在膠州西南七十里

挾術侯昆曼

挾蓋扶之誤術其謚也一統志却縣故城在膠州西南

校侯雲

一統志校城在青州府臨朐縣東

鱸侯應

方輿紀要直邱戌在沂州東北表云在襄賁沂州西南  
百二十里

拘侯賢

拘疑拒之誤紀要相城在膠州高密縣南三十里

陸侯河

表云壽光在今青州府東北七十里

坐知女妹夫凶命答二百首匿罪免

謂其妹夫有答二百罪凶命延壽知而首匿故免非謂

亡命後又有咎罪也師古於此等文義猶不能通

廣饒侯國

一統志廣饒故城在青州府樂安縣東北紀要東北二十里

餅侯成

方輿紀要餅城與郛城相近郛城在青州府安丘縣西南六十里

襄隄侯聖

史表作襄陵索隱曰志屬河東表在鉅鹿一統志襄陵故城在平陽府襄陵縣東南十五里

皋虞侯建

一統志皋虞故城在萊州府卽墨縣東北紀要縣東五十里

魏其侯昌

方輿紀要魏其城在沂州南

祝茲侯延年

方輿紀要祝茲城在膠州西南

高樂侯

一統志高樂故城在天津府南皮縣東南武帝時封齊孝王子

參驪侯則

尙書序湯遂伐三驪俘厥寶玉寰宇記三驪亭古國也  
在曹州濟陰縣東北四十九里紀要三驪城在曹州定  
陶縣北

南綠侯佗

方輿紀要南綠城在趙州柏鄉縣東北十里

栗侯樂

一統志栗縣故城今歸德府夏邑縣治

浞侯周舍

方輿紀要浞城在鳳陽府宿州靈璧縣南

獠侯起

一統志獠縣故城濟南府章丘縣北

注晉灼曰獠音內音鵠

王鳴盛曰前襄囁侯晉灼音內言龔冠則內言當是讀法既有內言當必更有外言如高誘注呂氏淮南諸書有急氣緩氣閉口籠口之類而劉熙釋名亦云天豫司充以舌腹言之天顯也在上高顯也青徐以舌頭言之天坦也坦然高而遠也風充豫司冀橫口合唇言之風汜也其氣博汜動物也青徐言風踧口開唇推氣言之風放也氣放散也可見此等讀法漢人已有之



擲裴侯道

一統志擲裴故城在廣平府肥鄉縣西鄭氏注是也表云東海不可從以此類之

澎侯屈釐

東海無此縣

王子侯表下

松茲侯霸

一統志松茲廢縣在安慶府宿松縣北

蘭旗侯臨朝

志作蘭祺屬東海

容正侯方山

水經注桐水出西北東海容正縣東南至下邳入泗其地無考

良成侯文德

一統志良成故城在徐州府邳州北

蒲領侯祿

明一統志蒲領城去河間府阜城縣三里紀要在縣東北

南曲侯遷

方輿紀要南曲城在廣平府曲周縣東

高城侯梁

一統志高城故城在天津府鹽山縣東南六里似非應封之地

成侯喜

地理志涿郡成縣侯國

新市侯吉

表云堂陽方輿紀要新市城在真定府西北四十里堂陽城在冀州南宮縣西南二十里

江陽侯仁坐役使附落

唐職制律監臨官私役使所監臨計庸以受所監臨財

物論又擅興律私丁夫雜匠各計庸准盜論

朝陽侯聖

方輿紀要朝陽城在濟南府章邱縣西北六十里

平曲侯曾

紀要平曲城在淮安府沐陽縣東北

南利侯昌

一統志南利城在陳州府商水縣南

安定侯賢

方輿紀要在保定府祁州澤深縣西七里又云在冀州

西南

修市侯寅

一統志修市故城在河間府景州西北

東昌趨侯成

一統志東昌故城在冀州武邑東北清河剛王子侯國

按謚法好變動民曰躁

新鄉侯豹

一統志信鄉故城在東昌府夏津縣西亦曰新鄉爲侯

國後漢省入甘陵水經注地理風俗記曰甘陵西北十

七里有信鄉故縣也

甘陵城在廣平府清河縣西北

表下條清河二字

當移在此

修故侯福

故字衍方輿紀要廢蔭縣今河間府景州治

東陽侯弘

方輿紀要東陽城在東昌府恩縣西北六十里

新昌侯慶

一統志新昌故城在保定府新城縣東三十里

邯鄲侯偃

一統志邯溝故城在廣平府肥鄉縣西北

樂陽侯說

一統志樂陽故城在正定府獲鹿縣北

桑中侯廣漢

一統志桑中故城在眞定府平山縣東南趙頃王子侯國

張侯嵩

一統志張縣故城在順德府任縣西南紀要縣西南一十七里俗謂之渚鄉城

景成侯雍

一統志景成故城在河間府交河縣東北

平隄侯招

一統志平隄廢縣在冀州棗強縣東寰宇記在今縣東

北

樂鄉侯佟

一統志樂鄉故城在深州東南河間獻王子佟侯國

高郭侯瞿

一統志高郭故城在河間府任邱縣西十七里

樂望侯光

一統志樂望故城在青州府壽光縣東二十里齊乘云

今名王望店

成侯饒

一統志成鄉故城在青州府安邱縣北



柳泉侯強

方輿紀要柳泉城在青州府益都縣東

復陽侯延平

一統志復陽故城在南陽府桐柏縣東

鍾武侯度

一統志鍾武故城在汝甯府信陽州東南又按零陵郡

有鍾武縣後漢改曰重安故城在衡州府衡陽縣南

高城節侯梁

重出

富陽侯賜

陽蓋陵之誤方輿紀要富陵城在泗州盱眙縣東北六十里

海昏侯賀

方輿紀要海昏城今南康府建昌縣治

曲梁侯敬

一統志曲梁故城今廣平府永年縣治

樂信侯強

一統志樂信廢縣在保定府束鹿縣西

昌成侯元

一統志昌成故城在冀州西北

廣鄉侯明

一統志廣鄉故縣在順德府任縣界平於頃王子明侯

國

平鄉侯王

一統志平鄉故城在今順德府平鄉縣西北

西梁侯關兵

紀要西梁城在祁州深澤縣南廣川戴王子侯邑

歷鄉侯必勝

一統志歷鄉故城在趙州甯晉縣東二十五里

陽城侯田

方輿紀要陽城在保定府完縣東南五十里續漢志中

山蒲陰縣有陽城

祚陽侯仁坐擅興繇賦

唐擅興律諸非法興造及雜繇役十庸以上坐贓論

謂

公事役使而非  
法令所聽者

陽興侯昌使庶子殺人

列侯屬官也續志列侯置家丞庶子各一人

昌慮侯弘

一統志昌慮故城在兗州府滕縣東南六十里春秋邾

濫邑

建陵侯遂

方輿紀要建陵城在淮安府沐陽縣西北

合陽侯平

方輿紀要合鄉城在兗州府嶧縣西北漢屬東海郡此

陽字誤

東安侯彊

一統志東安故城在海州西魯孝王子侯國乾隆府廳  
州縣志在沂州府沂水縣南三十里

承鄉侯當

方輿紀要承城在兗州府嶧縣西北一里

建陽侯咸

一統志建陽故城在兗州府嶧縣西

高鄉侯喜

紀要高鄉城在莒州東南七十里城陽惠王子侯邑

茲鄉侯弘

一統志茲鄉故城在青州府諸城縣西北

棗原侯山

棗原亦臨原之訛

箕侯文

一統志箕縣故城漢置爲侯國齊乘在箕屋山下寰宇

記故城在莒縣東北一百餘里

高廣侯勳

寰宇記高廣漢縣蓋在今密州莒縣南界紀要莒州南有高廣城

卽來侯佼

志云卽來侯國

膠鄉侯漢

蓋今膠州界

桃侯良

一統志桃縣故城在冀州西北寰宇記西北四十五里

安平侯習

表云鉅鹿非也一統志安平故城在吉安府安福縣東南長沙孝王子習侯國按志豫章郡安平侯國卽是此封

陽山侯宗

一統志陽山故城在今連州陽山縣東

昆山侯光

一統志昆山故城在青州府諸城縣西南六十里昆山

西七里

折泉侯根



海國圖志卷三  
一統志折泉故城在諸城縣西南七十里

臨鄉侯雲

一統志臨鄉故城在順天府固安縣南

西鄉侯容

一統志西鄉故城在涿州西北廣陽頃王子容侯國襄  
宇記西鄉城在范陽縣西北二十五里

陽鄉侯發

襄宇記陽鄉故城在幽州固安縣西北二十七里亦謂  
之萇鄉城

益昌侯嬰

一統志益昌故城在順天府霸州東北劉嬰侯國

都陽侯嬰

志東海郡有都陽城陽國有陽都應邵注並同或一地折爲二縣歟乾隆志陽都故城在沂州府沂水縣南

襄平侯贗

此襄平屬臨淮郡地理志云侯國

貫鄉侯平

一統志蒙澤故城在曹州府曹縣南十里本貫地左傳注梁國蒙縣西北有貫城貫與貫字相若括地志貫城今名蒙澤城在濟陰縣南五十六里

中鄉侯延年

方輿紀要有大鄉城在曹縣北

鄭侯罷軍

紀要鄭城在潁州潁上縣南水經注潁水過慎縣故城南而東南流逕蜩螗郭東俗謂之鄭城

黃侯順

方輿紀要黃城在東昌府冠縣南屬山陽郡梁敬王子順侯邑

平樂侯遷

一統志平樂故城在曹州府單縣東四十里

菑鄉侯就

方輿紀要考城故城在歸德府睢州考城縣東南五里  
本漢之留縣章帝改曰考城表在濟南非也

陵鄉侯訢

水經注應劭曰東武城西南七里有陵鄉故縣也後  
漢封太僕梁松爲侯國故世謂之梁侯城遂立侯城縣  
治也紀要侯城廢縣在東昌府武城縣西北一統志云  
西南

溧陽侯欽

按此乃沛郡之溧陽如滄音票師古謬音栗

蘭陵侯宜

一統志蘭陵故城在兗州府嶧縣東五十里

博鄉侯交

一統志博鄉廢縣在潁州府霍丘縣南劉交封國

柏鄉侯買

舊唐志漢柏鄉城在今趙州柏鄉縣西南十七里方輿紀要魏收志柏人縣有柏鄉城在順德府堯山縣東北十八里按志屬鉅鹿則在柏人者是也

安鄉侯喜

一統志安鄉故城在真定府晉州東

廣侯便

一統志廣縣故城在青州府益都縣西南四里

平節侯服

按齊郡平廣縣侯國此節字爲謚脫廣字

順陽侯共

宋本陽作頃非是方輿紀要順陽城在鄧州淅川縣東北三十里

樂陽侯獲

一統志漢置陽樂侯國屬東萊郡此樂陽蓋卽陽樂之訛在萊州掖縣西南

平城侯邑

方輿紀要平城故城在萊州府昌邑縣西南四十里

密鄉侯林

一統志密鄉城在萊州府昌邑縣東南十里林爲密鄉

侯國於此

樂都侯訢

卑梁侯都

史記楚世家吳之邊邑卑梁與楚邊邑鍾離爭桑鍾離

爲鳳陽府臨淮縣

今省入鳳陽縣

卑梁當在縣東

廣戚侯勳

方輿紀要廣戚城在徐州沛縣東北四十里

陰平侯回

一統志陰平故城在兗州府嶧縣西南二十里楚孝王

子侯國

樂平侯訢

外黃

方輿紀要外黃城在開封府杞縣東六十里

高陽

一統志高陽故城在萊州府高密縣西北淮陽憲王孫  
並侯國紀要縣西北三十四里齊乘今有高陽邨按此



當在杞縣西二十五里高陽城不當遠封萊州統志誤  
部鄉侯閔

一統志部鄉故城在兗州府泗水縣東南

安丘侯常

一統志漢有二安丘一在青州府安丘縣西南屬北海

郡一在縣東南界屬琅邪郡

栗鄉侯護

蓋卽歸德府夏邑縣之栗城見前

金鄉

一統志兗州府金鄉縣漢東緡縣後漢析置金鄉縣在

府西南百六十里

西安

一統志西安故城在青州府臨淄縣西齊乘西安在縣西三十里

湖鄉

方輿紀要湖陵城在兗州府魚臺縣東南六十里

重鄉

一統志重鄉城在兗府魚臺縣西北十一里

伊鄉侯開就鄉侯不害

陳景雲曰上文金鄉侯不害湖鄉侯開皆東平思王孫

也與伊鄉就鄉同時受封不應同名前後當有一誤

桃鄉侯宣

一統志桃鄉故城在兗州府汶上縣東北

新陽侯永

方輿紀要新陽城在汝甯府真陽縣西南四十二里

陽石侯慶

一統志陽石廢縣在萊州府掖縣南膠東其王子侯國

刊本訛

陽爲陵

祁鄉侯賢

一統志祁鄉故城在歸德府夏邑縣東北秦縣

桃山侯欽

一統志桃山故城在兗州府滕縣東

昌陽侯霸

一統志昌陽故城在登州府萊陽縣東南二十五里昌

山南

徐鄉侯炆

一統志徐鄉故城在登州府黃縣西南五十里膠東王

子炆侯國

臺鄉侯畛

一統志臺縣故城在濟南府歷城縣東北三十里

安國侯吉

方輿紀要安國城在保定府祁州南六里

容鄉侯彊

方輿紀要容城故城在保定府容城縣西北三十里

武平侯璜

一統志武平故城在歸德府鹿邑縣西北四十里

湘鄉侯昌

方輿紀要長沙府湘鄉縣哀帝封長沙王子昌爲侯邑  
於此

昭陽侯賞

方輿紀要昭陽城在寶慶府東

一統志東南

五十里後漢析

昭陵縣置

承陽侯景

方輿紀要承陽城在衡州府西百七十里後漢曰承陽高惠高后孝文功臣侯表

國以永存爰及苗裔

御覽兩引楚漢春秋作漢有宗廟爾無絕世與此二語異蓋陸賈之辭在先至文景後大半絕世故掌籍者改其語也

申以丹書之信

鄭注秋官司約職云今俗語有丹書鐵券然則此約誓之詞刻在鐵券也齊召南錢鐸鐵券考其形如瓦長一尺八寸三分闊一尺一寸厚一分五釐重一百三十二兩明史輿服志洪武二年因其式而損益焉第爲七等公二等候三等伯二等外刻履歷恩數之詳以記其功中鐫免罪減祿之數以防其過字缺以金各分左右左頒功臣右藏內府有故則合之以取

又作十八侯之位次

索隱引姚氏之史漢表自蕭何至蟲連同而楚漢春秋則不同者陸賈紀事高祖惠帝時漢書是後定功臣等

列及陳平受呂后命而定或已改邑號故人名亦別且  
高祖初定惟十八侯呂后令陳平終竟已下列侯凡一  
百四十三人也按古文苑班固十八侯銘蕭何一樊噲  
二張良三周勃四曹參五陳平六張敖七酈商八灌嬰  
九夏侯嬰十傅寬十一靳歙十二王陵十三韓信十四  
將軍襄平侯韓信陳武十五蟲達十六周昌十七王吸十八然  
考其次的然爲妄者以鄂千秋云蕭何第一曹參次之  
則蕭曹相連不應反居第五而張良未嘗有戰功不應  
在第三且使高帝時良已有位次高后方得良不當又  
退在第六十二也兩韓信見爲王其後楚王信封淮陰



又非襄平或紀信之誤

錫云御難乘險雖困不違

然紀信前死亦不

當以死名參生位

玉海引之直作紀通

若然周苛何不預乎反覆

推之未可信楚漢春秋爲元定功臣位次也

玉海引史記正義云

楚漢春秋無奚涓薛歐有韓欽陳潰而王吸爲王崇丁復爲丁侵又與古文苑不同

死爲轉屍

文子上仁篇生無乏用死無傳尸古傳轉通用淮南主

術襲文子語作轉尸注轉弃也又汜論歌濁則鬱而無

轉注轉讀傳譯之傳

遼東布章

方言貪而不施或謂之飢或謂之悒悒恨也

戴震疏證悒吝古通

用亦廣雅𧪖𧪖遊食也又遊𧪖也東疑𧪖之誤晉灼解  
作遊不通豈有兩字又作兩重曲折乎冊府元龜一百三十  
一憲宗元和二年錄配饗功臣之後詔曰詔書屢勤於  
褒飾有司不忘於遊簡直用晉灼解

### 平陽侯曹參

方輿紀要平陽府臨汾縣古平陽也

### 曹參以中涓從

墨子號令中涓二人夾散門內坐閉常閉鋪同時更

### 侯宗闌入宮掖門爲城旦

史表云征和二年侯宗坐太子死新書等齊篇天子宮

門曰司馬門闌入者爲城旦殿門闌入者棄市

唐禁衛律諸闌

入宮門徒二年殿門徒二年半諸闌入者以踰闕爲限至闕未踰者宮門杖八十殿門以內遞加二等

信武侯斬欽以中涓從起宛胸

方輿紀要冤句城在曹州西南四十里

汝陰侯夏侯嬰

方輿紀要汝陰廢縣今潁州治

清河侯王吸

史表作清陽方輿紀要清陽城在廣平府清河縣東索

隱云楚漢春秋作王隆古文苑班固銘作清陽侯王吸

地理志無清河縣

陽陵侯博寬

襄十年傳諸侯之師還鄭而南至於陽陵

廣嚴侯召歐

一統志廣縣故城在青州府益都縣西南四里史表廣嚴下有壯字似以廣嚴爲地按索隱云晉書地道記廣縣在東莞郡嚴謚也史表廣嚴下云壯班馬二史並誤據彼云則史漢表並作廣嚴壯侯也蓋本謚後人以明帝諱改壯爲嚴傳寫者並出壯字今此只作嚴乃據索隱而削之也

廣平侯薛歐

一統志廣平故城在廣平府雞澤縣東

博陽侯陳淳

索隱云楚漢春秋名漬

一本漬

博陽在汝南孫始復封塞

在桃林方輿紀要博陽城在陳州商水縣東北四十里

堂邑侯陳嬰

一統志堂邑故城在江甯府六合縣北

東陽爲將

一統志東陽故城在泗州天長縣北七十里

浙江都漸

元和志漸江一名浙江源出休甯縣東南橫鄣山方輿

紀要浙溪在徽州府休甯縣西南百十里

館陶公主

方輿紀要館陶故城在館陶縣西南四十里

隆慮今彰德府林縣

曲逆侯陳平

一統志曲逆故城在保定府完縣東南

留侯張良

方輿紀要留城在徐州沛縣東南五十里

以韓申都

按本傳良爲韓司徒與韓王將千餘人西略韓地得數

城與此侯狀合申都史表本作申徒留候世家項梁以  
良爲韓申徒徐廣曰卽司徒也但語音訛轉字亦隨改  
潛夫論氏族志良爲韓信都者司徒也俗前音不正曰  
信都或曰申徒或勝屠然其本其一司徒耳前訓如此  
師古乃以韓申都卽韓王信非但全無學問亦是不諳  
文理

射陽侯劉纏

方輿紀要射陽城在淮安府鹽城縣西九十里

鄼侯蕭何

一統志鄼縣故城在襄陽府光化縣北四十里

封何夫人祿母同爲侯

史表懿侯同祿之弟世家云後嗣以罪失侯者四世不言夫人此表與本傳同索隱云恐非也按以呂頴例之其事固有然名同而一爲祿弟一爲祿母必有一誤

筑陽

方輿紀要筑陽在襄陽府穀城縣東四里

武陽

當爲舞陽一統志東武陽故城在曹州府曹城縣西四十里

侯則以何孫遺弟紹封



錢大昕曰蕭何傳則嗣鄼侯之封非武陽也以本傳證之蓋則以罪免之後嘉始別封武陽表以武陽屬之則誤矣

坐不齋耐爲隸臣

隸臣卽鬼薪以下一歲刑唐職制律大祀散齋不宿正寢者一宿笞五十致齋不宿本司者一宿杖九十

坐爲太常犧牲瘦免

唐廐庫律供大祀犧牲養飼不如法致有瘦損者一杖六十罪止杖一百

絳侯周勃

一統志絳邑故城在平陽府曲沃縣西南

舞陽侯樊噲

方輿紀要舞陽城在裕州舞陽縣西

潁陰侯灌嬰

一統志潁陰故城在開封府鄭州東南四十里

臨汝

方輿紀要臨汝城在汝州西六十里唐置臨汝縣蓋卽其故處

長安官首

武功第四爵也

汾陰侯周昌

一統志汾陰故城在蒲州府榮河縣北九里

安陽

今曹州府曹縣汝甯府眞陽縣趙州臨城縣並有安陽城此似是彰德府安陽縣也府志秦安陽縣府城東南四十三里

梁鄒侯武虎

方輿紀要梁鄒城在濟南府鄒平縣北四十里

成侯董濞

一統志成縣故城在兗州府甯陽縣北按涿郡又有成

縣

坐爲濟南太守與城陽王女通

唐雜律監臨主守於所監守內姦者

謂犯良人

加姦罪一等

本姦者徒一年半有夫者徒二年

按唐世若姦皇帝宗婦女又加凡姦

者矣漢蓋未有其條也

冊府元龜七百八十八唐晉安公主醜迹上聞有勅推案同時

配流決杖者十有一人

蓼侯孔聚

一統志蓼縣故城在光州固始縣東北

以執盾

墨子號令守必謹微察視謁者執盾中涓及婦人侍前

者

費侯陳賀

一統志費縣故城在今沂州府費縣西北二十里

陽夏侯陳豨

今陳州府太康縣治

周竈以長鉞都尉

劉淵林吳都賦注鉞兩刃小刀說文鉞劍而刀裝者史記作鉞是也唐六典衛尉職今儀刀蓋古班劍之類儀

卽鉞之轉

陽都侯丁復

一統志陽都故城在沂州府沂水縣南

以趙將

史表作趙將按下云以樓煩將入漢趙有樓煩騎復將之則非越將

陽信侯呂青

方輿紀要陽信城在武定州陽信縣西南七里史表作新陽陳項傳作呂臣

東武侯郭蒙

名勝志青州府諸城縣外城卽東武城城邑攷今縣有南北二城南城漢所築東武縣城也

入漢爲城將

墨子號令勝圍城周里以上封城將三十里爲關內侯  
按此亦守城者謂之城將師古謂將築城兵謬

汁防侯雍齒

方輿紀要雍齒城在成都府什邡縣城南

棘蒲侯陳武

一統志棘蒲故城今趙州治

都昌侯朱軫

方輿紀要都昌城在平度州昌邑縣西

武彊侯嚴不識

一統志武強故城在今深州武強縣南縣志舊城村在縣南五里又有武彊城在河南鄭州東北紀要東北三十一里

貫侯合傳胡害

一統志貫縣故城在保定府東鹿縣西南

海陽侯搖母餘

一統志海陽故城在永平府灤州西南

南安侯宣虎

方輿紀要南安廢縣在嘉定州夾江縣西北二十五里  
今爲府



以重將

曹操孫子注革車千乘重車也萬騎之重也一車駕四馬卒十騎一重養二人主炊家子一人主保固守衣裝廐一人主養馬凡五人步十人重以大車駕牛養二人主炊家子一人主守衣裝凡三人杜牧曰司馬法曰一車甲士三人步卒七十二人炊家子十人固守衣裝五人廐養五人樵汲五人輕車七十五人重車二十五人故二乘兼一百人爲一隊按此重將卽將輜重者通典李衛公兵法每統三百人簡取二百五十人其下等五十人爲輜重隊別著隊頭一人副隊頭一人擬戰日

輜重遙爲聲援

肥如侯蔡寅

方輿紀要肥如城在永平府西北三十里

曲成圍侯蟲達

方輿紀要曲成廢縣在萊州府東北六十里謚法威德

剛武曰圍

以西城戶將爲執金吾

戶將卽光祿勳所領車戶騎三將之一史表作執珪此  
執金吾誤也論衡別通篇劍技之家鬪戰必勝者得曲  
城越女之學卽蟲達以劍術擅名也

河陽侯陳涓

明統志河陽城在懷慶府孟縣西南三十里統志三十  
五里

坐不償人責過六月

潛夫論斷訟篇永平時諸侯負責輒有削紕之罰其後  
皆不敢負民唐雜律諸負債違契不償一匹以上違二  
十日笞二十百日不償杖六十

負百匹之物百日  
不償合徒一年過六

月則漢之期限

淮陰侯韓信

方輿紀要淮陰城在淮安府西北四十里

爲連敖票客

史表作連敖典客其義甚易曉師古謬解按索隱云漢表作粟客以粟爲票又師古妄竄

芒侯彰跡

方輿紀要歸德府永城縣在府東一百八十里

一統志府東南

春秋芒邑地漢爲芒縣故城在縣東北俗呼大睢城

以門尉

墨子號令吏卒擅離署戮門尉晝三閱之暮擊鼓門閉一閱

九年侯昭嗣四年有罪免

按史表彤跖作彤昭九年侯昭有罪國除卽此始封之人此表於第三格衍薨亡後三字第五格復衍七字有罪免三字當移於第三格三年二字之下

敬市侯閭澤赤

史表作故市索隱云縣名屬河南紀要故市城在鄭州北三十五里水經注作閭澤毋赤

柳正侯戎賜

索隱云柳正縣勃海按勃海有柳縣非柳正明統志古柳城在河間府鹽山縣東七十里一名柳亭城

邴侯繒賀

萬輿紀要祁城在歸德夏邑縣東北按太原郡有祁縣  
在今祁縣東南七里

坐射擅罷免

射徐廣曰一作耐按耐義爲長

平侯工師喜

平縣屬河南郡詳在前工師喜史表作沛嘉

魯侯奚涓

魯城今兗州府曲阜縣治

城父侯尹恢

方輿紀要城父城在亳州東南七十里

任侯張越

任縣屬廣平國詳前

棘正侯襄

索隱云地闕按此卽宋之大棘也紀要大棘城在歸德府甯陵縣西南七十里又廣平府平鄉縣南有棘原鉅鹿縣南七里有棘城

河陵侯郭亭

史表作阿陵索隱云屬涿郡紀要大棘城在河間府任邱縣東北二十六里

以塞路入漢

襄十八年傳夙沙衛連大車以塞隧而殿

勝侯客

當作侯勝客史表不誤

昌武侯單究

昌武屬膠東國在今萊州府境

侯德坐傷人二旬內死棄市

按此在保辜限也唐關訟律諸保辜者手足毆傷人限十日以他物毆傷人者二十日以刃及湯火傷人者三十日限內死者皆依殺人論

高宛侯丙猜



宛與苑同方輿紀要高苑城在青州府高苑縣東北史表作丙倩

侯信坐出入屬車間

唐衛禁律車駕行衝隊者徒一年衝三衛仗者徒二年宣曲侯丁義

方輿紀要宣曲又邑名在西安府西南高祖封丁義爲侯

終陵侯華毋害

史表作絳陽索隱云漢表作絳陵明此終字誤紀要絳州絳縣華毋害侯國水經注絳陽蓋在絳潯之陽漢高

帝六年封越騎將軍華毋害爲侯國

東茅侯劉到

一統志茅鄉城在兗州府金鄉縣西南古茅國周公子所封謂之東茅者以解州平陸縣西南亦有茅城古茅戎之邑而別之也

侯告坐事國人過員免

唐職制律若有吉凶借使所監臨者不得過二十人不得過五日六典凡州縣官僚皆有白直執衣以爲馳使

曾孫鯛陽公乘

說文鯛直龍切地理志鯛音紂宋本有紅反二字趙一  
清水經注釋云寰宇記蔡州新蔡縣下云鯛音紂紅反  
則與宋本合然此傳說已久廣韻一東四十四有兩收  
鯛字

斥丘侯唐厲

方輿紀要斥丘城在廣平府成安縣東南十三里晉之  
乾侯

侯成武

今曹州府城武縣洪武初譌成曰城

臺侯戴野

一統志臺縣故城在濟南府歷城縣東北三十里

樂成侯丁禮

方輿紀要樂城廢縣在河間府獻縣東南十六里鄧州志州南三十里有樂成鄉本漢樂成鄉

辟陽侯審食其

一統志辟陽故城在冀州東南三十里

蒯成侯周緤

說文蔽草也字或作蒯此蒯又蒯之誤正義輿地志云故陳倉之鄉聚名周緤所封一統志蒯城廢縣在鳳翔府寶雞縣東晉咸甯四年分立爲縣又括地志蒯亭在

河南西十四里苑中

鄆音多

一統志鄆縣故城在歸德府鹿邑縣西南紀要云東北按縹傳蘇林曰鄆音多寒反地理志引孟康音亦但云多非也與鮦陽音紂同

安平侯鄆千秋

一統志安平故城今晉州安平縣治鄆千秋侯邑

北平侯張蒼

紀要北平廢縣在保定府完縣東二十里

高胡侯陳夫乞

高蓋鄔之譌胡其謚也今趙州柏鄉縣北二十二里有  
鄔縣故城謚法保民者艾曰胡彌年壽考曰胡第五格  
侯嗣侯下脫一賀字

厭次侯爰類

方輿紀要厭次故城在今武定州陽信縣東南三十里  
平皋侯劉它

正義括地志云平皋故城在懷州武德縣東二十里紀  
要在懷慶府城東南七十里入溫縣界一名邢正

復陽侯陳胥

方輿紀要復陽城在冀州棗強縣西南十八里陳胥侯

邑

陽阿侯其石

一統志阿陽故城在濟南府禹城縣東亦曰陽阿又陽阿故城在澤州府鳳臺縣西北高祖封其石爲侯國

侯午薨

按史表云中絕故此下更封埤山

柏至侯許益

一統志柏亭在汝甯府西平縣西

以駢隣從

索隱引姚察云駢隣猶比隣也說文駢駕二馬陳祥道

禮書

一百四十七

一馬駢二馬駢按通典

兵

五人爲列二列

爲火有長比諸五家爲隣卽駢隣是火長矣說苑善說  
篇齊景公謂林旣曰子之奇辯也一隣之鬪也千乘之  
勝也一隣正與駢隣相對

侯昌嗣

按史表侯昌上少一哀字侯安如上少一其字

中水侯呂馬童

明統志中水城在河間府獻縣西北三十里

杜衍侯王翥

方輿紀要杜衍城在南陽府西南二十三里翥史表作



翳

赤泉侯楊喜

索隱云南陽有丹水縣疑赤泉後改按九域志華州鄭縣有赤水鎮華州志赤水在州西三十里赤城在州西北水經注渭水東逕轡都城北俗名之赤城水曰赤水然楊氏世爲弘農華陰人其本封在此故也

朝陽侯華寄

紀要朝陽城在濟南府章邱縣西北六十里華寄侯邑按南陽府新野縣西亦有漢朝陽縣

侯當坐教人上書枉法

唐闢訟律諸敎令人告事虛應反坐得實應賞者皆以告者爲首敎令爲徒

棘陽侯杜得臣

紀要棘陽城在南陽府新野縣東北七十里

涅陽侯呂騰

紀要涅陽城在鄧州東六十里呂勝侯邑騰史表作勝

平棘侯林摯

一統志平棘故城在趙州南三里

深澤侯趙將夕

一統志南深澤城在今定州深澤縣東南



史表作祇是祇敬也

宋子侯許憇

一統志宋子故城在趙州北二十五里

趙右林將

史表作羽林將按其字蓋右翼將之誤六韜分險篇材士強弩翼吾左右三千人爲一屯

坐寄使匈奴買塞外禁物

唐衛禁律共化外人私相交易一尺徒二年半十五疋加役流卽因使私有交易者準盜論

猗氏侯陳遯

方輿紀要猗氏城在蒲州猗氏縣南二十里

清侯室中同

方輿紀要清城在東昌府堂邑縣東南二十里後漢建初中改爲樂平縣史表作空中按廣韻漢複姓藝文志有室中周著書十篇

彊侯留盼

一統志高帝以留盼爲彊侯故城在今冀州彊縣東南盼史表作勝

侯章復嗣

史表無復字疑此因下格侯復嗣誤重於上也復史表

作服

彭侯秦同

索隱云漢表屬東海郡此據王子侯表按徐州彭城縣也

吳房侯楊武

紀要吳房城今汝甯府遂平縣治

甯侯魏邀

方輿紀要甯城在歸德府甯陵縣城西

統志作南按懷慶府

修武縣亦本甯

昌侯旅卿

一統志昌縣故城在青州府諸城縣東南史表作慮卿  
索隱云漢表作旅此旅字誤

其侯旅罷師

一統志其縣故城今衛輝府輝縣治旅亦當爲旅史表  
盧

閼氏侯馮解散

索隱云縣屬安定卽烏氏縣矣括地志烏氏城在涇州  
安定縣東三十三里安定縣後改爲涇州縣明省入州一統志安定故

城在涇州北

以代大興

史表太尉索隱大興爵名音余

安丘侯張說

一統志安丘故城在青州府安丘縣西南

侯拾搏拏完爲城且

潛夫論浮侈篇以游博持掩爲事云博戲者是也若搏  
擊拏襲人直強盜矣比凡人加罪甯止城且乎唐雜律  
諸博戲賭財物者各杖一百贓重者各依已分準盜論  
其停止主人及出玖當爲九若和合者各如之拏今之攤  
錢也

襄平侯紀通



索隱云縣名屬臨淮方輿紀要襄城在滁州金椒縣西  
蓋卽襄平矣

龍陽侯陳署

常德府有龍陽縣乃三國吳時析漢壽縣置疑非此也  
史表作龍索隱云廬江縣有龍舒縣蓋其地龍舒城在廬州廬江  
縣西百按魏策魏王與龍陽君共船而釣是魏已有龍  
陽也一統志龍鄉故城在泰安府西南

平巖侯張瞻師

平史表作繁方輿紀要繁城在成都府新繁縣東北三  
十里此平字誤張瞻師史表作彊瞻

陸量侯須無

史表作陸梁

高景侯周成

史表作高京蓋卽叔段所居京城在鄭州滎陽縣東南  
三十里

義陵侯吳郢

一統志義陵廢縣在辰州府溆浦縣南

宣平侯張敖

索隱云楚漢春秋南宮侯張耳此作宣平侯敖蓋陳平  
錄第時耳已薨也按張耳未嘗爲南宮侯南宮者乃

敖之子偃在孝文時知楚漢春秋多矣也表第五格不言偃改封南宮亦疎第七格侯王嗣史表本傳並作生按宣平與宣曲在長安也

睢陵

方輿紀要睢陵城在泗州盱眙縣西六十里

侯廣孫以王弟紹封

本傳元光中復封偃孫廣國爲睢陵侯此並誤

信都

紀要東鄉城在鄧州新野縣東呂后封張敖子侈爲新都侯後王莽封於此東漢廢入新野謂之東鄉按地理

志葬未封前未有新都之稱其說非也此信都當爲冀州之信都縣明初以信都省入州

### 樂昌

一統志樂昌城在潁州府太和縣東

### 東陽侯張相如

一統志東陽故城在東昌府恩縣西北

### 愼陽侯樂說

一統志愼陽故城在汝甯府正陽縣北四十里樂史作

### 樂

### 開封侯陶舍

方輿紀要開封廢縣在開封府南五十里

禾成侯公孫昔

水經注百尺溝東南逕和城北世謂之初邱城非也漢高帝封公孫耳爲侯國一統志和城在趙州甯晉縣東北昔史表作耳

堂陽侯孫赤

一統志堂陽故城在冀州新河縣西

祝阿侯高色

方輿紀要祝阿城在濟南府禹城縣西南十七里色史表作邑

從起齧桑

紀要齧桑亭在徐州沛縣西南

長修侯杜恬

一統志長修故城在絳州西北杜恬封於此

江邑侯趙堯

續志汝南安陽有江國江亭紀要江城在汝甯府真陽

縣東南

營陵侯劉澤

紀要營陵城在青州府昌樂縣東南五十里

土軍侯宣義

紀要土軍城在汾州府石樓縣西三十里

廣阿侯任敖、

一統志廣阿故城在趙州隆平縣東十里

須昌侯趙衍

紀要漢須昌縣今東平州治

臨轅侯戚鯨

紀要轅城在濟南府禹城縣西北臨邑城在臨邑縣北

三十五里蓋合兩縣爲封也

汲侯公上不害

明統志汲城在衛輝府治西南二十五里甯陵侯呂臣

紀要甯陵縣宋之甯邑在歸德府城西六十里

汾陽侯靳彊

紀要汾陽城在太原府西北九十里

戴侯祕彭祖

杜預注隱九年經陳留外黃縣東南有戴城方輿紀要鄭取戴改名穀城秦置穀縣祕彭祖國於此後爲菑縣今考城縣屬歸德府索隱云韋昭音符蔑反從當時音讀也祕閉之字俱有入聲廣韻祕又姓西秦錄有僕射祕宜然祕宜是胡人非可以追漢也

衍侯翟盱



魏世家正義衍地名在鄭州一統志衍氏城在鄭州北三十里

平州侯昭涉掉尾

一統志平州城在泰安府萊蕪縣西錢大昕日廣韻沙字下引作昭沙掉尾以昭沙爲複姓

中牟侯單右車

紀要中牟舊城在開封府中牟縣東六里彰德府湯陰縣西五十里又有中牟城趙世家獻侯卽位治中牟所謂河北之中牟也表作單父聖索隱云漢表作單父左車據此脫父字

邵侯黃極忠

一統志邵縣故城在襄陽府宜城縣東北

坐掩搏奪公主馬

此亦博而勝取公主朋馬也史表云遂坐賣宅縣官故貴國除與此異

博陽侯周聚

索隱云縣名屬彭城則博陽當作傅陽紀要偃陽城在兗州府嶧縣南五十里傅偃同音福

定吳郡侯

郡治在吳故言吳郡猶項梁傳避仇吳中後起事仍云

水經注卷之三  
三  
斬會稽守或據此以爲漢初嘗分吳郡者非也

陽羨侯靈常

明統志陽羨古城在常州府宜興縣治南一名蝦虎城

擊陳公利幾

利幾爲項籍陳公高帝五年反

下相侯洽耳

一統志下相故城在徐州府宿遷縣西

高陵侯王虞人

紀要高陵故城在西安府高陵縣西南一里

期思侯賁赫

一統志期思故城在光州固始縣西北

戚侯李必

一統志戚城在大名府開州北李必侯國

侯信成坐縱丞相侵神道

按丞相李蔡盜取神道外墻地一畝自殺也唐關訟律諸監臨主司知所部有犯法不舉劾者減罪罪人罪三等太常職統陵廟故坐之

穀陽侯馮谿

一統志穀陽故城在鳳陽府靈璧縣西南七十五里

起柘

一統志柘縣故城在歸德府柘城縣北

嚴侯許猜

嚴史表作壯徐廣曰一作莊此蓋避明帝諱

成陽侯奚意

一統志成陽故城在汝甯府信陽州東北奚意侯國

信侯有罪要斬

史表云罪鬼薪

桃侯劉襄

一統志桃城在泰安府東阿縣西南劉襄邑於此又云

桃縣故城在冀州西北劉襄爲桃侯未審孰是

項氏親

此本姓項亦如劉宅劉纏賜姓劉也禮記大傳親者屬也史記箕子者紂親戚也

高粱侯酈疥

一統志高粱城在平陽府臨汾縣東北

紀信侯陳倉

一統志紀城在青州府壽光縣南故紀國

景侯王競

史表作甘泉徐廣曰一作景長安志甘泉山一名石鼓

原在雲陽縣西北九十里

雲陽元井入涇陽

侯嫵嗣

說文嫵說也從女興聲史表作嫵古嫵字似興而訛

張侯毛釋之

紀要張城在兗州府壽張縣南毛釋之侯邑

煮棗侯革朱

寰宇記煮棗故城在冀州信都縣東北二十五里漢侯

國又有煮棗城一統志在曹州府荷澤縣西南

僞陵侯朱濞

紀要鄆陵舊城在開封府鄆陵縣西南

一統志作北

四十里

縣南有朱濞城

鹵侯張平

一統志鹵城故城在代州繁峙縣東漢屬代郡史表作

菌

便侯吳淺

明統志廢便縣在郴州永興縣紀要今縣治卽漢便縣

軌侯黎朱蒼

一統志軌縣故城在光州光山西北史表作利蒼

平都侯劉到

紀要平都亭在冀州武強縣東二十五里劉到侯國

南宮侯張買



史表高后八年坐呂氏事誅國除此表疑脫高后八年  
事而衍下格十七字

梧齊侯陽城延

索隱云縣屬彭城當在今徐州府宿遷縣界謚法資輔  
供就曰齊延以都匠壯皇居故謚齊

平定侯齊受以家車吏入漢

管子問篇牽家馬輓家車者幾何乘六韜均兵篇置車  
之吏數五車一長十車一吏

博成侯馮無擇

當是泰山博縣今泰安府泰安縣東南

沅陵侯吳陽

今辰州府沅陵縣

中邑侯朱進

一統志中邑廢縣在滄州界寔字記高后封朱進爲侯  
後漢省併浮陽今滄州清池縣地

以執矛從

尉繚子兵教篇陳車謂接連前茅馬冒其目也魯頌箋  
兵車之法左人持弓右人持矛

樂成侯侈坐買田宅不法有請賊吏

田宅踰制漢刺史所察第一條也唐律疏議營繕令王

公以下舍屋不得施重拱藻井又占田過限一頃以上  
徒一年有讀爲又又以財行賕吏也

山都侯王恬啓

一統志山都故城在襄陽府西北

祝茲侯徐厲

史表作松茲紀要祝茲城在膠州西南

成陰侯周信

史表作成陶蓋今曹州府定陶縣地紀要陶邑鄉在蒲  
州北三十里水經注蒲坂西北有陶城

俞侯呂它

一統志漢鄒縣故城在濟南平原縣西南

醴陵侯越

紀要長沙府醴陵縣漢臨湘縣地高后封功臣越爲侯  
後漢析置醴陵縣

壯武侯宋昌

一統志壯武故城在萊州府卽墨縣西六十里

樊侯蔡兼

紀要樊城在襄陽府城北漢江上河內亦有樊城一統  
志樊城在懷慶府武陟縣西南十五里

以韓家子

上已云以睢陽令從至此不應重敘世系如師古謬說也韓家子蓋韓國官如庶子者也

汴陵侯魏駟

一統志魏汴鄉廢縣在鄖陽府保康縣南史表作波陵南郎侯起

李彤云河內有郎亭音潁

黎侯合奴

一統志黎縣故城在曹州府鄆城縣西元和志西四十里

坐不出持馬要斬

此乏軍興法也御覽

三百五十八

六韜曰車騎之將軍馬不

具鞍勒不備者誅

餅侯孫單

一統志餅縣故城在青州府臨朐縣東北

弓高侯韓隤當

一統志弓高故城在河間府阜城縣西南寰宇記縣南

二十七里

不得子嗣侯者名

史表前元年侯則元年按彼文嗣隤當者卽則云前元

年者誤

隤當於前三  
年討吳楚

當在中元後元閒也此表於下格

誤衍一嗣字遂不得上格嗣侯名耳

龍額侯饒

一統志龍額故城在河間府景州東二十里按龍額按道二侯卽韓說一人此龍額別名侯饒者誤也

延和三年

說文延亦作征此延和乃延和之誤

侯共侯敞弓

本傳作侯岑侯持弓元封當是元始

襄城侯韓嬰

今許州襄城縣

侯釋之坐詐疾不從

唐詐僞律諸作疾病有所避者杖一百

故安侯申屠嘉

紀要今易州治本漢之故安縣

侯共嗣

史表作共侯蔑此訛脫又侯史更封情安

坐爲九江太守受故官送

故官下疑脫屬字唐職制律去官而受舊官屬士庶饋

與者減三等罪

景武昭宣元成功臣表

封邑同前  
者不更出



建平侯程嘉

一統志建平故城在歸德府永城縣西南

南奄

元和志石奄故城在齊州長清縣東三十里齊州今濟

南府

葛繹

紀要葛繹山在邳州西北六里其封邑當即在此

江陽侯蘇息

名勝志四川瀘州漢江陽縣蘇嘉侯國

新市侯王棄之

一統志新市故城在真定府新樂縣西南

遼侯橫

案隱云漢表鄉名屬常山今本脫去按後漢書杜茂定封參遼鄉侯亦此處

商陵侯趙周

一統志商縣故城在商州東九十里

山陽侯張當居

一統志山陽故城在懷慶府修武縣西北三十五里

擇博士弟子員故不以實

唐職制律貢舉非其人徒一年若考校課試而不以實

者減一等

安陵侯于軍

魏世家徐廣注召陵有安陵鄉征羌有安陵亭一統志  
召陵故城在許州府鄆城縣東三十五里

垣侯賜

一統志垣城在涿州北水經注匈奴降王賜侯國

迺侯陸彊

方輿紀要迺縣城在易州涑水縣北志云舊城在拒馬  
河西北二里俗名周城灣

侯則嗣

孝武後元年史表後元年徐廣云漢書武後二年則此表本二年

容城攜侯徐盧

一統志容城故城在保定府容城縣西北史表作攜徐盧百官表太始三年容城侯惟塗光爲太常卽盧之孫是攜侯非謚也傳寫誤倒周亞夫傳注引功臣表作唯徐盧至元和姓纂去上携字以徐盧爲複姓云匈奴徐盧庸展轉愈謬

易侯僕黜

刊本訛易爲翕一統志易縣故城在保定府雄縣西北

三十五里

范陽侯范代

一統志范陽故城在保定府定興縣南

翕侯邯鄲

表在內黃內黃縣今屬彰德府

亞谷侯盧它之

一統志亞谷城在保定府雄縣東二里寰宇記渾泥城

在雄州舊容城縣南四十里水經注泥

水經注作渥

同口有

渾泥城漢景帝改爲亞谷城封盧它之爲亞谷侯卽此地也金史地理志泰和四年改渾泥城爲渥城縣今保

定府新安縣治索隱云漢表在河內今本無之

若陽侯猛

表在平氏方輿紀要平氏城在南陽府桐柏縣西北

統志

無四十里

平陵侯蘇建

寰宇記平陵城在霸州大城縣東北一百十里蘇建封

平陵侯卽此也

岸頭侯張次公

一統志岸頭亭在絳州河津縣南卽古岸門

襄城侯桀龍

索隱云漢表作襄武唐時別本與此異疑師古妄改史表下格有一云乘龍四字則桀字乃桀之訛方輿紀要襄武城在鞏昌府東南五里表在襄垣今潞安府屬縣樂安侯李蔡

一統志樂安故城在青州府博興縣北

合騎侯公孫敖

一統志合騎城在天津府鹽山縣北七十五里今訛爲

郭堤城

軹侯李朔

方輿紀要軹城在懷慶府濟源縣南十三里史作涉軹

表在西安在青州府臨淄縣西三十里

六年有罪當免

史表爲元狩元年當免不成辭史表云國除

從平侯公孫戎奴爲雁行

文選注

五十

六 雜兵書曰八陣有雁行陳

隨城侯趙不虞

表在千乘紀要千乘城在青州府高苑縣北二十五里

登石廬

廬與門同金城郡

今西甯府

浩廬水亦曰闔門河也史表作

石累誤



博望侯張騫

一統志博望故城在南陽府東北六十里

眾利侯郝賢

一統志眾利城在青州府諸城縣西北

入戈卒財物計謾

史表作戍卒此脫落左旁戍卒財物計謂所收過更錢也唐戶婚律諸里正及官司妄脫漏增減出入課役一口徒二年贖重入已者以枉法論賢爲上谷太守當邊郡受內郡轉輸而其計帳有侵欺也

遼侯王援嘗

清河郡有繚縣一統志繚縣故城在冀州南宮縣東南  
宜冠侯高不識

諸城縣志宜冠故邑應在今縣東界蓋昌縣故城在今  
縣東南也

增首不以實當斬

荀子議兵篇秦人功賞相長也五甲首而隸五家

獲得五甲

首則役隸鄉里之五家也

明史兵志云首級論功非古制不知秦漢

以來皆論首獲也

燁渠侯僕朋

表在魯陽今汝州魯山縣治朋史表本傳並作多

下摩侯諱毒尼

表在猗氏故城在今蒲州府猗氏縣東二十里史表作  
下麾

坐將家屬闖入惡師居

軍法擅離部署者斬唐捕亡律諸在官無故亡者一日

笞五十

疏議云戶部武靈勝等五十九州爲  
邊州此乃居邊爲要亡者加罪一等

濕陰侯昆邪

方輿紀要濕陰城在濟南府臨邑縣西十里濕古濕字

魏侯蘇嗣

謚法克捷行軍曰魏

輝渠侯應沱

索隱引韋昭云僕多所封則作輝渠應沱所封則作渾渠二者皆鄉名在魯陽今並作輝誤也按漢表及傳亦作輝孔文祥云同是元狩中封則一邑分封二人也愚謂漢武所封如合騎從票從平隨成之類皆取軍行以名而別食邑於當縣則輝渠本非地也但同時封拜不容複出韋說得之

邳離侯路博德

史表作符離一統志符離故城今鳳陽府宿州治

義陽侯衛山

一統志義陽故城在南陽府桐柏縣東

坐教人誑告眾利侯當時棄市罪

唐詐僞律諸詐教誘人使犯法與犯法者同罪按誣告人罪以其罪罪之則教誘之者卽是誘人犯法亦當從同罪不得以教令爲從也

杜侯復陸支

史表作壯表在重平

案隱引伯東平

紀要重平城在德州德平

縣西北三十里一統志在河間府吳橋縣南三十里

臧馬侯雕延年

表在朱虛紀要朱虛城在青州府臨朐縣東六十里

衡陽侯建德

表云下邳當在今海州沐陽縣界

龍侯摎廣德

一統志龍亢故城在鳳陽府懷遠縣西

成安侯韓延年

一統志成安故城在汝州東南

留外國書一月之興

唐職制律稽緩制書者一日笞五十十日徒一年其官  
文書稽程者罪止杖八十若以乏興論當斬凡外國表  
章皆鴻臚寺受之也

騏侯駒幾

一統志騏縣廢縣在吉州鄉甯縣東南

梁期侯任破胡

一統志梁期故城在廣平府磁州東

坐賣馬一匹賈錢十五萬過平

六典市令以三賈均市

精爲上賈次爲中賈粗爲下賈

凡與官交易及

懸平贖物並用中賈唐律疏議官人於所部賣物及買物計時估有賸利者計利以乞取監臨財物論

將梁侯楊僕

水經注清涼城卽將梁也紀要清涼城在保定府東南

統志  
西南四十里

入竹二萬箇贖

時以塞瓠子決河官用所需

下鄜侯左將黃同

史表下鄜此誤水經注湍水東南流逕南鄜縣故城東  
史記所謂下鄜也今城亦謂之下鄜一統志鄜縣故城  
在南陽府內鄉縣東北按傳云鄜駱將左黃同此衍一  
將字注鄜駱左將衍一在字

御兒侯駱終古

當爲御作御文書之訛體名勝志唐置義和鎮於嘉興



之西鄙禦兒地一名語兒在今崇德縣治東南一里爲今

石門縣

開陵侯祿坐舍衛太子所私幸女子

唐律謀反大逆者妻妾沒官

子妻妾亦同

漢則并誅故史良

娣王夫人皆坐誅

魏晉同

東城侯居股

紀要東城在鳳陽府定遠縣東南五十里

無錫侯卯追反虜擅棄兵還

通典李衛公兵法背軍逃走斬之

涉都侯喜

一統志涉都城在襄陽府光化縣西水經注故鄉名也  
郡國志筑陽有涉都鄉武帝封南海守子嘉爲侯國

荻苴侯韓陶

一統志荻苴在天津府慶雲縣東接海豐縣界與無棣  
城相對

漣清侯參

一統志畫邑城在青州府臨淄縣西北二十里又云漣  
邑

瓠譙侯杆者

一統志瓠譙故城在隰州永和縣西南

幾侯張略

傳云朝鮮王右渠子長脫略字按滿燕人姓衛此張略非姓也

稔侯商亾成

一統志稔縣故城在曹州府城武縣西北二十九里

大不敬

隋刑法志高祖又置十惡之條五曰不道六曰大不敬重合侯莽通

元和志重合故城在棣州樂陵縣東二百步今在武定府樂陵縣西

刊侯李壽

紀要邗城在懷慶府西北三十里漢武封李壽爲侯邑  
轅陽侯江喜

喜當爲德按清河有轅縣無轅陽一統志遼州戰國趙  
轅陽邑晉於樂平郡置轅陽縣

六年侯仁嗣坐還印符隨方士

錢云仁之嗣侯當在昭帝元鳳六年按昭紀元鳳四年  
孝文廟火太常轅陽侯德免爲庶人曰爲庶人則并奪  
爵矣中間宜有還爵事而表失載不然彼紀衍爲庶人  
三字也衛宏漢儀列侯印文曰印符者所剖之符也翁

方綱兩漢金石記魏銅虎符背文云口口與駟男爲銅

虎符第五則五等之封並有銅符

元制總管萬戶府達魯花赤俱佩金虎符

則唐魚袋之類明制守衛官俱領銅符武臣并懸帶龍虎符

當塗侯魏不害

一統志當塗故城在鳳陽府懷遠縣東南

蒲侯蘇夷吾略民爲婢

唐賊盜律略人爲奴婢者絞

不和爲略

商利侯王山壽

昭帝紀作王壽褚少孫補表作王山侯三千戶與此異

長羅侯常惠

一統志長羅故城在大名府長垣縣北

爰戚侯牧以先降梁王

梁王劉永爲光武所誅

高昌侯董忠

一統志高昌故城在青州府博興縣西南

削戶千一百

褚表爲臬騎都尉侍中坐祠宗廟乘小車奪百戶

續志公卿

二千石郊廟明堂祠陵  
法出皆大車立乘駕駟

都成侯金安上

索隱云志屬潁川按潁川郡無此縣水經注京相璠曰

東郡廩丘縣南三十里有郕都故城褚先生曰漢封金  
安上爲侯國都成蓋成都之譌也一統志成都故城在  
曹州府濮州東南

歸德侯先賢揮

北地郡有歸德縣表作汝南誤也紀要歸德城在慶陽  
府東北百里

信成侯王定

表云細陽似誤紀要信成城在廣平府清河縣西北十  
二里漢縣屬清河郡細陽城在潁州西北四十里  
以匈奴烏桓屠驀子左大將軍率眾降

按軍字衍此文舛誤不可讀以匈奴傳考之屠耆單于  
兵敗自殺隆奇乃與屠耆少子右谷蠡王姑瞀樓頭亡  
歸漢此一事也表作屠耆者是屠耆之訛又呼韓邪單  
于左大將烏厲屈與父呼遼累烏厲温敦降漢封烏厲  
屈爲新城侯烏厲温敦爲義陽侯此又一事而與表所  
載兩侯符合新信字同然烏桓乃烏厲之誤而屠耆於此無  
涉當作烏厲温敦子左大將則表與傳無乖異矣  
厲温敦以匈奴諱連累單于率眾降

脫一烏字考宣帝紀元鳳二年十一月匈奴呼遼累單  
于帥眾來降封爲列侯卽匈奴傳之呼遼累烏厲温敦



而紀誤作單于當從傳此表作諱連累又傳寫之誤

三年二月甲子封

攷匈奴傳烏厲父子來降同時同封而表一云元鳳二年九月一云三年二月參紀傳則云二年九月者非也冬月例不封侯故須至來年二月

義成侯甘延壽

一統志義成故城在鳳陽府懷遠縣東北駟望侯冷廣以濕沃公士一統志濕沃故城在武定府蒲臺縣西北延鄉侯李譚

方輿紀要延鄉城在青州府樂安縣西北李譚侯邑

外戚恩澤侯表

據春秋褒紀之義

桓二年公羊傳注紀侯稱侯者天子將娶於紀與之奉宗廟重莫大焉故封之百里明當尊而不臣

周呂令武侯澤

案隱應劭云周呂國也按周及呂皆國名濟陰有呂都縣令武謹也一云令良武謹也又改封令令縣名在滎陽出晉地道記一統志呂都故城在曹州府荷澤縣西南三十里

腫

一統志腫縣故城在登州府文登縣西

扶柳侯呂平

水經注膠水逕扶縣故城西漢文元年封呂平爲侯國  
此扶柳誤彼謂漢文元年者亦誤一統志廢却縣在膠  
州西南

襄城侯義

一統志襄城在開封府汜水縣南三十五里

壺關侯武

今潞安府長子縣治

昌平侯大

今順天府昌平州治

贅其侯呂勝

方輿紀要贅其城在泗州盱眙縣西

鄔侯駟鈞

史表作清都徐廣曰一作鄔音苦毒反按地理志作鄔方輿紀要鄔縣城在保定府東鹿縣東北二十里駟鈞侯邑此鄔字誤也

周陽侯趙兼

一統志周陽城在絳州聞喜縣東

章武侯竇廣國

一統志章武故城在順天府大城縣南四十七里

南皮侯竇彭祖

紀要南皮故城在河間府南皮縣東北八里

魏其侯竇嬰

一統志魏其故城在沂州府蘭山縣南

蓋侯王信

寰宇記蓋縣故城在沂州沂水縣西八十里

武安侯田蚡

紀要武安故城在彰德府武安縣西南五十里

長平烈侯衛青

一統志長平故城在陳州府西華縣東八十里

宜春坐橋制不害免

宜春縣今袁州府倚郭縣矯制害者棄市

陰安

紀要陰安城在大名府清豐縣西北二十五里

發干

紀要發干城在東昌府堂邑縣西南五十里

平津侯公孫弘

一統志平津故邑在天津府鹽山縣南

冠軍侯霍去病

一統志冠軍故城在南陽府鄧州西北四十里

周子南君姬嘉更封爲承休侯

紀要承休廢縣在今汝州治子城東

更爲衛公

紀要古觀城在東昌府觀城縣西姬常改封於此曰衛國

博陸侯霍光

一統志博陸城在順天府密雲縣東南按此蓋名偶同非光邑

安陽侯上官桀

紀要安陽城在彰德府西南魏甯新中邑也

安平侯楊敞

紀要安平城在青州府臨淄縣東十九里

富平侯張安世

今武定府惠民縣治

陽平侯蔡義

隋地理志魏州華縣舊曰陽平今東昌府華縣治

營平侯趙充國

齊乘營平城在濟南府東三十里卽隋唐營城縣

侯岑坐父欽詐以爲嗣



唐詐僞律諸非子孫而詐承襲者從詐假官法流二千里

平丘侯王遷

表云肥城按陳留郡有平丘縣在大名府長垣縣西南五十里

昌水侯田廣明

表云於陵紀要於陵城在濟南府長山縣西南二十里

陽城侯田延年

表云濟陽紀要濟陽城在開封府蘭陽縣北五十里

爰氏侯便樂成

紀要爰戚城在濟甯州嘉祥縣西南便亦作史使廣韻  
漢有少府便樂成作便是

扶陽侯韋賢

一統志扶陽故城在徐州府蕭縣西南

平恩侯許廣漢

一統志平恩故城在東恩府工縣西

高平侯魏相

表云在柘今歸德府柘城縣

平昌侯王無故

紀要平昌城在濟南府德平縣東北一里王無故侯邑

褚表平昌王長君侯封五千戶此云六百戶誤

樂昌侯王武

紀要大名府南樂縣漢樂昌縣王武邑於此

樂陵侯史高

一統志樂陵故城在武定府樂陵縣西南五十里

武陽侯丹

本傳云郟之武彊縣今沂州府郟城縣

將陵侯史魯

一統志將陵故城在濟南府德州東

博望侯許舜

一統志博望城在東昌府博平縣舊城西南史記田敬仲世家三晉之王皆因田嬰朝齊王於博望

樂成侯許延壽

褚表樂平許翁孫封二千戶水經注漯水又東北逕樂平縣故城東宣帝封許翁孫於樂平爲侯國彼據史表也錢大昕曰此表注平氏平氏屬南陽地理志本有樂成侯國此卽延壽所封分平氏置者

博陽侯丙吉

一統志博陽故城在陳州府商山縣東北四十里

安成侯崇

一統志安成故城在汝甯府汝陽縣東南

平阿侯譚

一統志平阿故城在鳳陽府懷遠縣西南

侯述嗣

本傳作術東觀記述此乃訛述爲述

成都侯況坐山林未成置酒歌舞

唐雜律國忌廢務日作樂者杖一百以忌日推之則邊  
密犯禁罪彌重也

曲陽侯根

一統志曲陽故城在鳳陽府鳳臺縣東北李兆洛鳳臺

縣志舊志曲陽城在城北稍東八十里按曲陽故城當在懷遠縣洛河之南鳳臺東北境止五十五里無緣北至洛河也

高平侯逢時

一統志高平故城在泗州北

新都侯莽

一統志新都故城在南陽府新野縣東

樂安侯匡衡

一統志樂安城在濟南府章邱縣北齊乘樂安城在章邱縣臨濟鎮東北八十里蓋匡衡所封按此說非也衡

所封樂安鄉在鳳陽府虹縣東北

安昌侯張禹

一統志安昌故縣在汝甯府確山縣西

高陽侯薛宣

方輿紀要高陽城在膠州卽墨縣西北三十四里

新城侯欽

一統志新城故城在南陽府鄧州西北七十里本穰縣地趙欽爲新城侯卽此

定陵侯淳于長

一統志定陵故城在南陽府舞陽縣北十五里

汜鄉侯何武

本傳云汜鄉在琅邪不其哀帝更以南陽犇之博望鄉  
爲汜鄉侯國紀要犇城在汝州魯山縣東南五十里  
博山侯孔光

一統志順陽本博山明帝時更名故城在南陽府浙川  
縣東

陽安侯丁明

一統志陽安故城在汝甯府確山縣東北

孔鄉侯傅晏

表云夏正紀要夏邱城在鳳陽府虹縣東一里



高樂侯師丹

紀要高樂城在滄州南皮縣東南四十里

更爲義陽侯

本傳厚正之中鄉戶二千一百爲義陽侯九域志海州  
沭陽縣有厚正鎮一統志在沭陽縣西北四十里厚正  
鎮

楊鄉侯朱博

表云湖陵紀要湖陵城在兗州府魚臺縣東南六十里  
方陽侯孫寵

水經注洱水逕房陽城北漢哀帝封孫寵爲侯國一統

志房陽城在南陽府內鄉縣東北表云龍亢一統志龍亢故城在鳳陽府懷遠縣西北七十五里

褒魯侯公子寬

表云南陽平陽平二字誤倒紀要南平陽城在兗州府鄆縣西三十里今其地曰平陽社

褒成侯孔均

表云瑕丘今爲兗州府滋陽縣瑕丘城在府西二十五里

防鄉侯平晏

兗州府金鄉縣沂州府費縣並有防城

章鄉侯謝殷

一統志章鄉廢縣在天津府滄州東南漢封謝殷爲侯國

盧鄉侯陳鳳

一統志盧鄉故城在平度州西北漢屬東萊郡陳鳳侯國紀要州西北五十里

百官公卿表

夏殷亡聞焉

曲禮天子六太五官六府六工鄭注云殷時制也夏殷雖莫能定要諸在周制前明矣

是爲三公

周官鄉老二鄉則公一人鄭云王置六鄉則公有三人也保氏注書序曰周公爲師召公爲保相成王爲左右聖賢兼此官也疏引鄭志趙商問按成王周官立太師太傅太保茲惟三公卽三公之號自有師保之名成王周官是周公攝政三年事此周禮是周公攝政六年時則三公自名師保起之在前何也鄭答曰周公左召公右兼師保初時然矣按太公爲太師召公爲太保雖在文武世克殷解召公奭贊采師尚父率牲大戴文王官人篇王曰太師又保傅篇召公爲太保周公爲太傅太公爲太師周書本典解周公爲太師然今所傳告成王以五則作本典此並成王卽位之初

僞古文周官則晉世僞撰非漢世之古文也鄭注周禮  
文王世子尙書大傳皆不取以爲證可知其僞然鄭志  
趙商所問據尙書周官難者恐是後之爲鄭學見僞古  
文出而託諸鄭志也大射儀賈公彥曰鄭不見周官又周禮小宰注云前此者成王作周官其志有述天授位之義疏云此鄭義不見古文尙書故爲此解

又立三少爲之副

見大戴保傅篇昏義云三公九卿疏云三孤亦分主六  
官之職總謂之九卿故考工記云外有九室九卿朝焉  
鄭以爲三公以下百二十人似夏時以無正文故稱似  
也周禮疏序三公九卿者六卿并三孤而言

或說司馬主天司徒主人司空主土

韓詩外傳八司馬主天司空主土司徒主人故陰陽不和四時不節星辰失度災變非常則責之司馬山林崩竭川谷不流五穀不植草木不茂則責之司空君臣不正人道不和國多盜賊下怨其上則責之司徒

按東京以災異

策免三公大抵本此

又尙書大傳天子三公一曰司徒公二曰司

馬公三曰司空公百姓不親五品不訓則責之司徒蠻夷滑夏寇賊奸宄則責之司馬溝瀆壅遏水爲民害則責之司空鄭注云周禮天子六卿與太宰司徒同職者則謂之司徒公與宗伯司馬同職者則謂之司馬公與

司寇司空同職者則謂之司空公一公兼二卿舉下以爲稱按昭四年傳季孫爲司徒叔孫爲司馬孟孫爲司空其三卿次第正如此王制大國次國三卿下大夫五人疏引崔氏恩云謂立司徒兼冢宰之事立司馬兼宗伯之事立司空兼司寇之事五人者謂司徒之下置小卿二人一是小宰一是小司徒司空之下亦置二小卿一是小司寇一是小司空司馬之下惟置一小卿小司馬也襄十一年公羊傳注云古者諸侯有司徒司空上卿各一下卿各二司馬事省上下卿各一此亦王制三卿五大夫之證也但彼三卿不敢比天子之制故以次

等貫上等爲兼職若天子六卿自虞夏至周皆有次第  
周禮疏序引鄭注天地之官蓋曰稷司徒是天官稷也  
地官司徒也又分命仲叔注云官名蓋春爲秩宗夏爲  
司馬秋爲士冬爲其工稷與司徒是六官之名見也周  
雖以三公領六卿之任自以卿之次第爲先後故淇澳  
詩序疏引鄭注顧命云公兼官以六卿爲正次孔傳云  
冢宰第一召公領之司徒第二芮伯爲之宗伯第三彤  
伯爲之司馬第四畢公領之司寇第五衛侯爲之司空  
第六毛公領之故春秋云宰周公者此以公而爲冢宰  
也云宰渠伯糾者此卿攝本位也其曰凡伯劉子者直



爲王卿士也曰蔡公者直爲王三公也公與卿品秩敞然未有天子三公而俯取侯國三卿之制蓋雜家傳記不覩周禮習聞列國之事而漢沿其誤班氏以或說加之蓋亦深知其非也

四岳謂四方諸侯

周禮疏序引鄭注四岳四時之官主四岳之事始羲和之時主四岳者謂之四伯至其死分岳事置八伯皆王官其八伯惟驩兜共工放齊鯀四人而已其餘四人無文可知書大傳四嶽八伯鄭云八伯者據畿外八州畿內不置伯又泰山貢兩伯之樂陽伯之樂

鄭云猶言春伯春官秩宗

也伯夷鄭云儀當為儀伯之樂義義仲之後霍山貢兩伯之樂夏伯

之樂鄭云夏伯夏官義伯之樂鄭云義伯華山貢兩伯

之樂秋伯之樂和伯之樂鄭云秋伯秋官士也皋

貢兩伯之樂冬伯之樂鄭云冬伯冬官司空是四方諸

侯又分主四時也

比二百石以上皆銅印黃綬

漢官儀皇太子黃金印龜紐印文曰章下至二百石皆  
為通官印按自此以上印皆取方日通官印其百石以  
下則為半印日半通仲長統傳注引十三州志曰有秩  
嗇夫得假半章印法言孝至篇不由其德五兩之綸半

通之銅亦泰矣仲長統亦云身無半通青綸之命則百

石雖假印綬不得爲通官印也

今圓印邑印皆半方卽此是

光武時

鮑昱對曰故事通官文書不著姓謂但稱臣名某及某官某名也此通官印所用皆單稱名

高帝元年沛相蕭何

按何傳高祖爲沛公何爲丞是時未得有相名

五年軍正陽咸延

按功臣表作軍匠陽城延廣韻漢複姓十五氏有陽城

延此誤

六年汲侯公上不害爲太僕

按夏侯嬰自初起至沛竟高帝崩爲太僕不知何緣復  
有此人自是年後復不著遷代而孝文八年直書太僕  
嬰薨舊紀缺誤也史漢功臣表並云高祖六年爲太僕  
擊代穢則是從上出征暫爲太僕以後表云爲趙太僕  
史表云爲趙太傅

十年  
中地守宣義

按地理志高帝九年罷中地郡是此年當云故中地守  
十一年  
絳侯周勃爲太尉後官省

按周勃前後居此官表傳互相舛錯又與史表不合史  
將相表云高帝五年罷太尉官卽此表云太尉盧綰爲

燕王者也十一年周勃爲太尉攻代後官省則勃傳所云遷爲太尉擊陳豨高帝紀十一年有太尉周勃者也

高后四年置太尉官勃又爲太尉攷勃傳孝惠六年置

官以勃爲太尉十年高后崩

張守節曰孝惠六年至高后八年崩是十

年又呂后問曹參之次於高帝帝令以王陵陳平爲相

國周勃爲太尉曹參於孝惠五年薨則將相並置在六

年十月裁六十日必不遲至呂后四年方置太尉也此

史表之誤又推勃於高帝十年年爲之者如曹參樊噲

酈商等以丞相相國征伐事訖旋罷本不在朝列而史

漢表皆紀之則相國丞相前後何以不列其體例非是

若勃久於其官則高帝以十二年崩其語呂后事爲贅  
固知勃亦暫假者耳

衛尉王氏

蕭何傳所謂王衛尉

高后元年任敖爲御史大夫

史記將相表在惠帝六年非也或本在惠帝七年崩後  
而誤移於上方耳

孝文元年十月辛亥太尉周勃爲右丞相

將相表作十一月辛巳按文帝紀十月辛亥皇帝見高  
廟詔文仍稱太尉勃將軍嬰則勃嬰之遷俱非常日疑

史表爲是

三年中郎將張釋之爲廷尉

按釋之傳爲郎事文帝十年不得調欲免歸中郎將袁  
盎知其賢惜其去乃請徙釋之補謁者爰盎傳云孝文  
卽位盎爲郎中淮南王謀反盎時爲中郎將淮南王謀  
反在六年若附比兩傳則釋之於是時猶爲郎耳而表  
先於三年稱釋之爲廷尉則與傳全乖傳又云釋之以  
廷尉事景帝歲餘表已於文帝十年並列廷尉昌廷尉  
嘉不得如傳所云也通鑑從表是歲釋之爲廷尉仍連  
綴傳中事於前亦憤憤未之省耳然表於遷代可明者

則書爲某官若干年釋之下不書其年則其爲廷尉并不得十年之廷尉昌相代也攷史記淮南厲王六年謀反谷口丞相張蒼與廷尉臣賀等昧死言是六年已非釋之而表失載賀爲廷尉究表與傳未知孰誤

七年  
典客馮敬爲御史大夫

按淮南厲王傳六年典客馮敬行御史大夫事表蓋以行事非眞故不數

孝景  
三年衛綰爲中尉四年賜告

賜告者景帝廢太子栗以綰爲長者不忍乃賜告而使到都治捕栗氏然則綰非免官但使到都行中尉事至



綰拜太子太傅郅都乃眞爲之

五年姚正侯劉舍爲太僕

史記將相表仍作桃侯劉舍明此姚正誤荀悅紀作太僕周舍訛劉爲周又安正侯張歐按功臣表作張奴不言爲奉常歐傳不言其襲侯歐是安正侯說少予不得爲侯疑表誤

中元二年中尉

下脫人名師古無注則後來所遺

三年煮棗侯乘昌

按功臣表煮棗侯革朱史表作棘赤索隱云棘亦作東

此乘當爲革之誤

五年

軼侯吳利爲奉常

功臣表有軼侯黎朱蒼史表作利蒼疑此吳利乃利吳  
誤倒彼表云侯扶扶吳聲相近而異表不云爲太常文  
有漏奪耳

寧武建  
元元年

齊相牛抵爲御史大夫

按直不疑傳景帝後元年爲御史大夫武帝卽位與丞  
相綰俱以過免應在是年六月也寶嬰傳嬰爲丞相推  
轂趙綰爲御史大夫則趙綰應繼牛抵之後史記將相  
年表與此空置牛抵於元年而不明交代史表二年御

史大夫趙綰索隱云代衛綰尤爲妄說事隔五年矣

二年郎中令石建六年卒

錢大昕曰萬石君傳建以建元二年爲郎中令元朔六

年卒前後凡十六年表蓋脫十字

又李廣傳廣代石建爲郎中令攷廣由右

北平太守拜郎中令正在元朔六年可證建任實十六年非六年矣

元光四年中尉張歐爲御史大夫宣平侯張歐爲太常

張歐傳誤爲元朔宣平侯張歐者張敖孫功臣表云哀

侯歐卽此人

六年大行令王恢

二年大行令王恢下獄自殺不書者蓋不得其代人也

元朔五年太常張當居坐選子弟不實

太常職選博士弟子此訛倒

六年李廣爲郎中令五年免

本傳云石建卒上召廣代爲郎中令元朔六年廣復爲將軍彼敘郎中令似在六年前按萬石君傳元朔五年卒建哭泣衰思歲餘建亦死則表在六年是也五年免當云五年自殺

元狩元年朱買臣爲主爵都尉

傳云數年坐法免按下三年趙食其爲之則首尾三年不至數年

三年廷尉禹

趙禹傳嘗中廢已爲廷尉

四年戚侯李信成爲太常

功臣表戚圉侯季必之曾孫按灌嬰傳亦作李必彼云季誤也

元封五年韓延年爲太常坐留外國使人

景武功臣表坐爲太常行大行令事留外國書六月乏興太常不主外國事也

太初三年膠東太守延廣爲御史大夫

膠東王國當云膠東相史記將相表亦作延廣彼表例

不書姓此延廣上脫姓也荀悅紀云王延廣

搜粟都尉上官桀爲少府

按武帝紀太初四年春貳師將軍斬大宛王首獲汗血馬來李廣利傳搜粟都尉上官桀敢深入爲少府計論功行賞必俟師還則桀爲少府當於四年表列三年誤也表云年老免蓋史家據當日劾狀不必核其篤老與否也師古因此疑非昭帝時上官桀偶措一語便成笑

端

天漢二年新時侯趙弟爲太常

李廣利傳上邽騎士趙弟斬郁成王首侯者也功臣表

入錢百萬贖死完爲城且凡言論者皆有罪

太始三年容城侯唯塗光爲太常

功臣表匈奴降者携徐盧之孫周亞夫傳作徐盧徐塗聲近別作耳

四年江都侯斬石爲太常四年坐爲謁問囚

謁猶刺也史記酈生踵軍門上謁使者出謝酈生瞑目按劍叱使者使者懼而失謁跪拾謁還走釋名謁詣也詣告也書其姓名於上以告所至詣者也斬石以列侯修謁問囚故爲亂尊卑也按丞相賀父子下獄死在征和二年則斬石爲太常之三年不當云四年

征和四年繆侯酈終根爲太常十一年

功臣表曲周侯酈寄罪免靖侯堅紹封繆侯侯終根後

二年祝詛上要斬此云十一年誤

後二年太僕并左將軍

上官桀以左將軍兼太僕

孝昭始元元年執金吾馬適建六年坐殺人下獄

按帝紀元鳳元年武都氏人反遣執金吾馬適建等擊之其殺人下獄當在是役之後

元鳳四年蒲侯蘇昌爲太常十一年坐籍霍山書泄秘書免

師古以籍爲借亭林顧氏曰蘇昌蓋籍沒霍山之書中



有秘記當密奏之而輒以示人故以宣泄罪之耳山本傳言山坐寫秘書顯爲上書獻城西第入馬千匹以贖山罪若山之秘書從昌借之罪將不止免官而元康四年昌安得復爲太常也如顏說當云坐借霍山秘書免何用辭之複乎愚按師古偶省籍有借義村學究掉文動多可笑

元平御史大夫田廣明三年爲祁連將軍

按下當脫自殺右將軍安世

至

韓增爲前將軍史將相

表云四月甲申光祿大夫龍頡侯韓曾爲前將軍五月丁酉水衡都尉趙充國爲後將軍右將軍張安世爲車

騎將軍按昭帝以四月癸未崩增以四月甲申拜卽於  
大行前拜授印授如丞相孔光亦如此也張安世傳昭  
帝崩未葬大將軍光白太后徙安世爲車騎將軍帝紀  
昭帝以六月壬申葬

孝宣本  
始三年于定國爲水衡都尉

本傳云數年遷自宣帝卽位僅三年耳

四年六安相朱山拊爲右扶風

朱買臣子

地節  
元年水衡都尉朱輔爲右扶風博

此二官並列一格爲字衍

三執金吾延年

昌邑王傳嚴延年字長孫別一人非酷吏傳之嚴延年

神爵二年後將軍充國

此下有脫文本傳是年充國振旅還復爲後將軍衛尉表蓋脫爲衛尉三字下格衛尉忠乃充國未還五月以

前任職者

甘露元年大司馬延壽薨

褚先生補侯表樂平侯許翁孫嗜酒好色以早病死

孝元利元年光祿勳并將軍

并於前將軍脫一前字蕭望之傳宣帝寢疾拜望之爲

前將軍光祿勳是兩官同時拜授表云一年爲光祿勳  
傳表必有一誤

太原太守陳遂爲京兆尹

陳遵之祖父

永光元年侍中中大夫歐陽餘爲少府

是時無中大夫脫太字也歐陽餘儒林傳作歐陽地餘

二年右扶風強五年

五年疑贍字一本無

竟甯元年七月丙寅太子少傅張譚爲御史大夫

史記將相表荀悅漢紀作三月丙寅按馮野王傳元帝

自選第中二千石以譚爲御史大夫帝崩於五月則七月顯是傳寫之誤

陽城侯劉慶忌爲宗正

劉德之孫

孝成建始元年騏侯駒普爲太常

景武功臣表騏侯駒幾孫鼂侯崇應卽此人普與崇互異未知孰誤

三年光祿大夫尹忠爲御史大夫

將相表作廷尉尹忠荀悅紀與此同

鴻嘉元年千乘令劉慶忌爲宗正

據劉德傳劉慶忌爲宗正太常薨此又一人

四年中少府韓勳爲執金吾

中少府卽太后少府或係宮或稱中史記將相表云中少府貢禹爲御史大夫按此表及貢禹傳仍云長信少府是也皇后無少府但有私府今師古謬說

永始元年水衡都尉淳于長二年免

按下長遷衛尉則非免字當爲遷

四年大司馬商賜金安車駟馬免

按此乃商以病賜告至明年正月疾愈復起元后傳無嘗免事知此免非罷職也表頗混而荀悅紀亦依此書

寫非也

綏和元年大司馬根七月甲寅免

荀悅紀作冬十月甲寅大司馬根病免按根於十月罷  
莽卽以十一月代莽之俟其處久矣不應虛位數月也  
此七月誤

長信少府薛宣爲京兆尹一年貶爲淮陽相

錢大昕曰薛宣自罷相之後復爲特進給事中視尙書  
事坐善定陵侯淳于長罷長之誅在綏和元年宣方連  
坐免官無緣復拜京兆表所載蓋宣之弟修也鮑宣傳  
丞相司直郭欽奏免京兆尹薛修等攷哀帝以綏和二

年四月卽位修官京兆閱一年正其時

<sup>二</sup>年十一月丁卯大司馬莽免庚午在將軍師丹爲大司馬

按下格云十月癸酉大司馬師丹爲大司空莽若以十一月免師丹何從十月由大司馬改大司空乎荀悅紀莽免在秋七月丁巳則十月癸酉丹改大司空與表上格云四月徙正合但荀紀丁巳誤當從表丁卯與庚子間二日也表云丹爲大司馬者四月傳作月餘又互異王咸爲左將軍十月免師丹爲左將軍五月遷

是年左將軍三易王咸不得云十月十字誤也丹傳哀帝卽位爲左將軍哀帝以四月卽位丹之居職必在四



五月

荀紀在五月

至十月遷正得五月固不誤也然丹以左

將軍行大司馬事耳

閻宗爲執金吾六年卒

是年執金吾亦三易孫雲代宗則此六年當是六月

建平三年左咸爲復土將軍

傅太后以元壽元年崩此復土將軍治傅太后陵然其職事訖而罷表於元壽三年復云復土將軍左咸爲大鴻臚承前文非也

元始二年大鴻臚橋仁

儒林傳梁人橋仁季卿受小戴禮

中郎將幸成子淵錢大昕曰當是辛茂之訛辛慶忌少子也

三年城門校尉劉岑子張爲太常

陽城侯劉慶忌子

五年大司徒宮爲大司馬

按宮傳代孔光爲太師兼司徒官荀悅紀同其時王莽自以太傅兼大司馬非宮所爲表誤宰衡護軍大司馬兵官故有護軍此冠宰衡省文耳

漢書疏證卷三

漢書疏證卷三

覓

浙江書局刊

鮑家瑞校

吳士鎔校

吳鴻望校